

„Cunties y paoi“

Letöra scenica

tl salf dl Circolo – Lia Mostra d’Ert a Urtijëi

12.12.2024, 20.00 (La letöra döra zirca 90 min)

Letöra scenica:

Cunties y paoi

De Löna y Sorëdl, sintí y rajun, de mitologia y parores che mancia

Teater te trëi ac, che tol ite les liëndes de nostes valades, y propostes de inoms de paoi che n’è nia danman.

n liber de Mattia Maldonado, Silvia Baccanti, Emil Valentini

autur di tesć: Mattia Maldonado

ilustraziuns dl monologh y impaginaziun: Silvia Baccanti

ilustraziuns paoi y plantes: Emil Valentini

dé fora dal Istitut Micurá de Rù tl 2022

realisé y stampé cun n contribut dla Provinzia Autonoma da Balsan

Ci che pitun é na letöra scenica dl toch teatral (ladin dla Val Badia). Al é n monologh che vëgn alisirí tres live painting y musiga. Tratan che l’autur lij dant - y müda jö le rode danter n famëi y la usc che cunta - él Silvia che proietëia sön n parëi imajes che acompagnëia la naraziun. Chëstes vëgn depëntes al momënt. Danter i ac, y amesa ite por dé n pü’ aria, gnarál soné dle musighes evocatives.

Banjo: Marco Grigis

Chitara: Giordan Crazzolara

Contrabass: Philipp Schörghuber

Ci trata pa plü avisa le liber y le teater?

Co fejon pa, da svilupé inoms nüs? Por mantigní n lingaz vi, arati che al sides important da soghé para y da l’adoré ince te deplü contesc. I á porvé insciö da svilupé inoms te n ambit n pü’ plü scientific mo suradöt por paoi, che por ladin n’â nia bele inoms. Al ne dess nia ester n nü standard, mo propostes y suradöt reflesciuns. I inoms scientifics di paoi é liá ala mitologia greca – Parnassius apollo, Polyommatus icarus...

Dodí de val’ autor él ince nosta mitologia che partësc raisc cun chëra greca. Che chësc pois ester n punt da olache pié ia? Me stizan sön analogies danter les figöres dles döes mitologies ái insciö svilupé inoms por paoi y families de paoi. Por ejëmpl tla raisc dla parora Nymphalidae, na familia de paoi, ciafon l’etim “ninfa”. Les ninfes é figöres mitologiches y é na personificaziun dla natöra. Gonot éres liades al’ega, avisa sciöche pro les liëndes dles valades ladines les ganes! La familia dles Nymphalidae devënta insciö la familia dles Ganes. Insciö él gnü fat por deplü families y sorts de paoi.

I paoi devënta insciö na ciaradöra dles figöres dles liëndes: bëgn, i ne podô nia me tigní zoruch!

I á scrit insciö n monologh te trëi ac. Ince chësc se stiza sön les tematiches prinzipales dles liëndes: de sciöche döt ais metü man, de sciöche la Layadira sides gnüda pordüda por le nia respet dles regoles dla natöra, di corusc dla vita y dl limo danter vi y mort, enrosadira, dles scincundes dla tera, dl conflit danter löna y sorëdl, dl murin dl tëmp. De sciöche ne sun nia plü bogh da odëi les cosses por ci che ares é, de sciöche la razionalità nes adorba él spo n famëi che nes cunta.


«I me dijarëis ch'al é tl ingian dla nôt che an se fala. Mo datrai, él l'adurbé dla löm, che palajëia ci ch'i un incër nos ia...»

Mattia Maldonado:

Ël á studié sciënzes naturales y le comportamënt di tiers. Mo i interesc é tröc y al n'é mai bun da se conzentré ma sön un!

Silvia Baccanti:

Ëra á studié fumet y ilustraziun y dedô éra jüda al ISIA da Urbino. Ëra dessëgna, scrí, depënj, fej tatuaji y tl tëmp lëde vára sö por munt.



Circolo – Lia Mostra d'Ert de Urtijëi

Plaza Sant Antone 102

I - 39046 Urtijëi (BZ)

Tel. 377-5936350

info@circolo.eu